









宋文歸目錄

卷十

張載西銘

張載東銘

張載與趙大觀書

張載慶州大順城記

劉摯請脩勅令

劉摯請重脩太學條制

梁燾論呂大防乞以早罷



王巖叟請復內外官司舉官法

王巖叟請依舊法賑濟

鄭俠論新法進流民圖

曾鞏救災議

曾鞏與孫司封書

曾鞏送蔡元振序

曾鞏送丁琰序

曾鞏襍識

朱希西園雅集序

顧臨湖學田記

陸佃論正始之道

畢仲游議占田之數

宋文歸目錄卷十終

宋文歸卷十

竟陵鍾惺伯敬父選評

古吳楊彝子常父忝閱

張載西銘

乾稱父。坤稱母。予茲藐焉。乃混狀中處。故天地之塞。吾其體。天地之  
帥。吾其性。民吾同胞。物吾與也。大君者。吾父母宗子。其大臣宗子之  
家相也。尊高年。所以長其長。慈孤弱。所以幼吾幼。聖其合德。賢其秀  
也。凡天下疲癯殘疾。惻獨鰥寡。吾兄弟顛連而無告者也。於時保之。  
子之翼也。樂且不憂。純乎孝者也。違曰悖德。害仁曰賊。濟惡者不才。

其踐形惟肖者也。知化則善述其事。窮神則善繼其志。不愧屋漏為  
無忝。存心養性為可懈。惡旨酒。崇伯子之顧養。育英才。穎封人之錫  
類。不弛勞而底豫。舜其功也。無所逃而待烹。申生其恭也。骿其愛而  
歸全者。參乎。勇於逆而順令者。伯奇也。富貴福澤。將以厚吾之生也。  
貧賤憂戚。庸玉汝於成也。存吾順事。沒吾寧也。

鍾惺曰。辭會道妙。最親切明透。使人讀之。爽然見性。辭之大。程子  
謂孟子以後。未有人及此。良不虛已。

張載東銘

戲言出於思也。戲動作於謀也。發於骸見乎四肢。謂非已心不明也。欲人無已疑不能也。過言非心也。過動非誠也。失於骸繆迷其四肢。謂已當狀自誣也。欲他人已從誣人也。或者謂出於心者歸咎為已。戲失於思者自誣為已。誠不知戒其出汝者。引歸一作咎其不出汝者。長傲且遂。非不智孰甚焉。

鍾惺曰。東銘詞義。雖與西銘有淺深廣狹之不同。狀分別長傲遂非之失。於毫釐之間。其開警後學。亦云至矣。

宋史

卷十

金史

張載與趙大觀書

載○啓○不○造○誨○席○逾○年○仰○懷○溫○諭○三○反○夕○仲○冬○漸○寒○恭○惟○使○職○公○餘○  
寢○興○百○順○辱○書○惠○顧○欽○佩○加○卹○兼○聆○被○旨○邊○幹○行○李○勤○止○載○抱○愚○竊○  
迷○未○戢○山○僻○修○慝○免○過○弗○能○固○無○暇○撰○述○空○自○言○幕○鄙○謬○竊○嘗○病○孔○  
孟○既○沒○諸○儒○翬○狀○不○知○反○約○窮○源○勇○於○苟○作○持○不○迫○之○資○而○亟○知○後○  
世○明○者○一○覽○見○肺○肝○狀○多○見○其○不○知○量○也○方○且○創○艾○其○弊○默○養○吾○  
誠○所○患○日○久○不○足○而○未○果○它○為○也○辱○問○及○之○不○識○明○賢○謂○之○狀○否○更○  
賜○提○耳○幸○其○未○由○前○拜○恭○惟○尊○所○聞○力○所○逮○叔○愛○自○厚○以○需○大○者○之○  
來○不○勝○切○

鍾惺曰。後之著書立言者。視此不能無愧。

張載慶州大順城記

唐曆二年某月某日。經畧元帥范公仲淹。鎮役總若干。建城於柔遠寨東北四十里。故大順川。越某月某日。城成。汴人張載。謹次其事。為之文。以記其功。詞曰。兵久不用。文張武繼。天警我宋。羗蠹而動。恃地之疆。謂兵之衆。傲侮中原。如撫而弄。天子曰。嘻。是不可捨。養姦縱殘。何以令下。講謨於朝。講士於野。鑕刑斧誅。選付能者。皇皇范侯。開府於慶。北方之師。坐立以聽。公曰。彼羗地。武兵勁。我士未練。宜勿與競。當避其疆。徐以計勝。吾觀塞口。有田其中。賊騎未迹。卯橫午縱。余欲連辟。以禦其衝。保兵儲糧。以俟其窮。將吏掾曹。軍師卒吏。交口同辭。

樂贊公命月良日吉將奮其旅出卒于營出罷於府出幣于帑出糧  
于庾公曰戒哉無敗我舉汝礪汝戈汝鋸汝斧汝干汝誅汝勤汝與  
既戒既言遂及城所索木築土編繩奮杵胡虜之來百十其至自朝  
及辰衆積我倍公曰無譁是亦何害彼姦我乘及我未備勢雖不敵  
吾有以恃爰募彊弩其衆累百依城而陣以堅以格戒曰謹之無闕  
以力去則勿追往終我役賊之逼城傷死無數謨不我加因潰而去  
公曰可矣我功汝全無怠無遽城之惟堅勞不累日池陣以完深矣  
如泉高鳥如山百萬雄師莫可以前公曰濟矣吾議其旋擇士以寧  
擇民而遷書勞賞才以飫以筵圖列而止薦聞於天天子曰嗟我嘉

汝賢錫鞶大順。因名其川于金于湯保之萬年。  
茅坤曰古宕之極而中饒勝箕。



劉摯請修勅令

臣竊以法者天下之大命也。先王制法其意使人易避而難犯。故至簡至直而足以盡天下之理。後世制法唯恐有罪者之或失也。故多張綱目而民於是無所措其手足矣。世輕世重唯聖人為能變通之。祖宗之初法令至約而行之可久。其後大較不過十年一變。法豈天下之大民物之衆事日益滋則法不可以不密歟。臣竊以謂非事多而後法密也。殆法繁而後姦生也。神宗皇帝達因革之妙慎重憲禁元豐中命有司編修勅令凡舊載於勅者多移之於令。蓋違勅之法重違令之罪輕。此足以見神宗皇帝仁厚之德哀矜萬方欲寬斯人

之所犯恩施甚大也。而所司不能究宣主德。推廣其間。乃增多條目。離析舊制。用一言之偏。而立一法。因一事之變。而生一條。其意煩苛。其文晦隱。不足以談萬物之理。達天下之情。行之幾時。蓋已屢變。今所謂續降者。每半年一頒。每次不減數帙矣。夫法者。天下之至公也。造之而不能通。故行之而不能久。其理狀也。又續降多不顯言其所衝改。故官司州縣。承用從事。叅差抵牾。本末不應。非所謂講若畫一通天下之志者也。臣愚以謂宜有所加損潤澤之。去其繁密。合其離散。要在簡易明白。使民有避而知。所謂遷善遠罪之意。伏望聖慈酌時之宜。完法之用。選擇儒臣一二。有經術明於治辭。練達民政者。將

慶曆嘉祐以來舊勅與新勅參照。各取畧行。刪正。以成一代之典。施之無窮。

鍾惺曰。揭出先王刑期無刑之意。而末世繁密之條。自有不堪聞見者矣。



茅坤曰一  
語已盡其  
要

劉摯請重修太學條制

臣竊以學校之制主於教育人才非行法之地也。群賢衆聚。帥而齊之。則誠不可以無法。狀而法之。為學校設者。宜有禮義存焉也。洎歲太學屢起大獄。其事一出於誣枉。於是有司緣此。造為法禁。煩苛疑家士之學。其間者。轉身舉足。輒蹈憲網。束濕愈於治獄。條目多於防盜。上下疑貳。求於苟免。先王之意。禮義科旨。逝已盡矣。法有大可恠者。博士諸生。禁不相見。教諭無所施。質問無所從。但博士月巡所隸之齋而已。謂如此。則請問者。對衆足以為證。左以防私。請以杜賄謝。嗟夫。學之政令。豈不大繆。先王意哉。私請賄謝。如是真可以絕之乎。

唐順之曰  
即孟子草  
莽冠履之  
意而語氣  
和平

而又齋數不一。不可以隨經分隸也。故使之無巡。如周易博士。或巡  
治禮之齋。禮學博士。復巡治詩之舍。往往所至。簡禮請問。相與揖諾。  
至或不交一言而退。昔之設學校。教養之法。師生問對。憤排開發。相  
與曲折。反復諄諄。善誘益其意。不如是疎也。其道不如是之薄也。先  
王之於天下。遇人以長者。君子之行。而報乎上者。斯有禮也。遇人以  
小。人大豕之道。則彼將以小。人大豕自為。而報乎上者。不能有義也。  
況夫學校之間哉。太學自置三舍之法。寥寥至今。未嘗應令成就一  
人。豈真無人也。主司懲前日之禍。畏罪避謫士。雖有豪傑拔萃之才。  
誰敢題品。以人物自任。而置之上第哉。則是先帝有興賢造士之美。

意而有司以法害之也。臣愚欲望聖慈詳酌。眾博士諸生不許相見之禁。教誨請益。聽其在學注還。即私有干求饋受。自依律勅。仍乞先賜施行。外應太學見行條制。委本監長貳與其屬看詳。省其煩密。太甚。取其可行。便於今者。有所增損。著為科條。上禮部再行詳定。上之三省以聽聖斷。

鍾惺曰。博士何官。諸生何事。而禁不相見。禁得不情不經。可嘆之甚。得此論。庶可正當時小人之無忌憚矣。



梁燾論呂六防乞以早罷

臣伏見陛下眷遇大臣。極其恩禮。不忍聞其過惡。輕奪其位。使傷其進退之名。所以委曲覆容。真有天地之賜。為大臣者。何以副陛下之深仁乎。祖宗之時。宰相率二三年以禮去。今之宰相。率二三年以罪去。禮去者。顧義重。雖有功而必去。罪去者。顧利重。非有罪則不去。以禮去者。可以復用。以罪去者。不可以再。蓋祖宗之大臣。皆以名節自重。一舉動必存大辭。必副人望。不敢專寵祿。以自愛。不敢挾權勢。以自強。日思以得罪為憂。以妨賢為懼。故率三二年自引避位。朝廷褒答。自有恩數。其優者為使相。其次猶須超進數官。為大學士。其去位

陳仁錫曰  
大臣進退  
自宜如此

也○名○益○重○望○益○高○眷○益○厚○一○旦○復○用○則○中○外○之○民○莫○不○以○為○宜○皆○為○  
朝○廷○喜○之○此○所○以○朝○廷○重○也○其○間○亦○時○有○貪○鄙○之○人○當○去○而○不○去○以○  
固○位○戀○祿○清○議○已○不○容○矣○以○之○招○致○人○言○暴○著○過○惡○從○而○罷○遣○之○殆○  
不○過○一○諫○官○一○御○史○論○之○則○已○不○能○安○矣○如○臺○諫○合○攻○連○擊○者○甚○少○  
一○有○之○則○終○身○不○得○復○用○故○以○禮○去○者○多○以○罪○去○者○少○大○臣○既○以○添○  
小○臣○從○而○庶○士○大○夫○化○之○皆○磨○礪○振○潔○以○節○操○相○高○風○俗○純○美○由○此○  
道○也○比○年○以○來○大○臣○皆○以○竊○祿○偷○安○為○計○寢○以○成○風○雖○有○大○過○猶○巧○  
自○掩○蓋○恐○其○失○位○一○二○人○言○之○不○知○去○臺○諫○官○共○言○之○又○不○肯○去○至○  
於○紛○紛○不○已○上○不○能○止○其○言○竟○出○其○章○疏○朕○後○請○退○聖○恩○因○而○聽○之○

公議為之鄙薄。私爰為之嘆息。喪其節守。敗其名譽。冒其過咎。終以疎絕。朝廷雖以乏人而欲用之。疑其姦心之不測。畏其清議之不容。卒不敢用。必用其以次者。安得人才衆多而為用乎。朝廷將無人而用矣。此不可不思也。祖宗之時。輔相之材非不多也。狀而進者必以其賢。退者必以其禮。去而復來。所以用之有得也。今輔相之材亦不多也。狀而進之不必以其賢。退之必以其罪。去而不可來。所以用之不足也。臣近嘗建言。乞陛下許呂大防以自請罷去相位者。正為其如此。若蒙陛下許呂大防。令以禮去。不唯大防得其進退之道。且掩覆其罪狀。不為言者之所指摘。不為公議之所不容。便之養望於外。

身坤曰亦  
是正論

它日用之人必無敢議者。設有議者其跡以無罪而奏陛下主張之。無累知人之明矣。於是大防真有天地之賜。足稱陛下眷禮之本意也。非獨以安大防也。又以示後來之人。皆思以禮職。臣愚切謂士不知朝廷之治。辭則不足以立朝。不習國家之故事。則不足以應務。唐李德裕謂用寒士不如公卿之世。議者以為偏論。臣乃謂之知言。蓋公卿之世耳。目習朝廷之治。辭練熟國家之故事。遠方寒士有不知其始末者。裕之言未為過論。太宗皇帝深達此意。始置崇文院。建祕閣。集四庫書。選天下名能文學之士。以為校仇。官給以見俸。食於太官。優其資秩。自選人京官入者。始除館閣。於勳或崇文院校書及升

朝籍。乃為祕閣集賢校理。或優之。則為直館。直院。直閣。其始入而官位卑者。未得主判。且令在館供職。改京官。升朝籍。方得主判。登閣。鼓檢院。同知禮院之類。資任漸高。則或為吏部。南曹。郡牧判官。又高。則為省府推判官。或為知藩鎮。任轉運。提刑。又擇其久任者。或遷知諫院。預講讀。或擢為左右史。遂典詞誥。或待制。內閣。由此而為分卿執政。以濟台輔。遠器大節。方重深厚。事業磊落。載在史冊者。前後相望。外至於守土奉使。藹然皆有風績可觀。間有不才庸葺者。叨預於其間。則指目鄙笑。不容於清議。故累朝得人。方古為盛。此寔太宗皇帝憂深慮遠。養育之功也。熙寧執政。務欲速援親黨。假此以為進人之

階浮躁狂妄者爭趨之。故有朝除拔理而夕拜詞掖。夕為直院而朝作輔臣。館閣丞養之風。遂至委地。士人廉耻之節靡有孑遺。既無素養之才。悉苟合士。臨時選用。或非其人。左右史才間用。倍吏以致朝廷。猷薄館閣。遽行寢罷。陛下即位以來。招賢樂善。追復太宗皇帝之政。繼承列聖之業。俾復三館職名。又詔執政大臣各舉所知。召試以充其選。獨不詳其供職。臣愚莫知其意。切計議者必謂昔之崇文院已改為秘書省。已有官屬。則帶館閣職名者不可供職。臣愚以謂崇文院之名雖改。而秘閣集賢昭文館四庫之書猶存。既選英才除職名而不令供職。不汰太宗皇帝養才育士之深意。而後以虛名為士

大夫進取之階。不准義理未安。兼亦於事無補。臣愚望朝廷稽考祖宗館閣之制。選人京官除者。且授秘書省正字校書。以以昔日之校勘。選人已有改官。并供職四年。除校理指揮外。有自京官除者。亦自校書郎二年。方授校理。已升朝者。得兼寺監職事。以以昔日之主判。由此漸進。以歷省府。與舊帶職之人。並令入館供職。依舊食於太官。磨以歲月。使多士知陛下育才之意。庶幾優游議論。漸知朝廷之治。群居講習。以議國家之故事。庶耻清議。去而復還。館閣素風。墜而復振。朝廷自後用人。不乏寔才。將以成太平之業。臣愚以為自此為始。惓惓之意。惟陛下采擇。臣愚不勝幸甚。

鍾惺曰。呂大防以戇直立朝八年。終始如一。宣仁時懇乞避位。宣  
仁不允。及宣仁崩。御史撰時旨論之。卒竄死嶺南。可謂罪太非  
禮太也。素此奏論大防。正所以保全大防也。

王巖叟請復內外官司舉官法

臣竊以人得於表裏不疑則可任。事出於上下相應則易成。其諸府之辟召羣司之表舉所以不可廢也。自辟舉之法罷而用選格可以見功過而不可以見人材中外患之於是不得已而有踏逐奏差申差之格。踏逐者陰用舉官之實而明削同罪而非善法也。選才薦能而曰踏逐非雅名也。必當擇人之地而不重用之之道非深計也。委人以權而不容舉其所知非通術也。臣伏望聖慈特賜指揮復內外官司舉官法以暢公議。

鍾惺曰。只數語若不深論而太意了狀。

譚元春曰。簡澹似漢人奏記。

聖恩日用  
不忍四  
字景動

王巖叟請依舊法賑濟免河北貸糧出息  
臣伏以救災卹患惟恐有所不至以傷其仁先王之心也隨施以  
有求乘危以論利益不忍為臣按祖宗賑濟舊法災傷無分數之限  
人戶無等第之差皆得借貸但令隨稅納元數而已未嘗有息也故  
四方之人需惠者普徇恩者深郡縣倉庾以陳易新者多其後刻薄  
之吏陰改舊法必待災傷放稅七分以上方許貸借而第四等以下  
方免出息殊非朝廷本意緣災傷放稅多是監司以聚歛為急威脅  
州縣州縣又承望風旨不復體心朝廷以災傷的實分數餘放若放  
及七分者災傷已是十分況少肯放及七分又六分之與七分相去

幾○何○毫○釐○之○間○何○以○辨○別○幸○而○得○為○七○分○則○有○借○貸○不○幸○而○為○六○分○  
則○無○借○貸○但○繫○檢○災○官○吏○一○言○之○高○下○而○被○災○百○姓○幸○不○幸○相○遠○如○  
此○不○可○不○察○也○三○等○而○上○均○為○赤○子○均○遇○天○災○豈○容○因○災○偏○全○出○息○  
計○其○所○得○則○甚○少○論○其○所○損○則○實○多○垂○陛○下○平○一○之○心○虧○朝○廷○光○大○  
之○施○臣○乞○復○如○舊○法○不○限○災○傷○之○分○數○並○容○借○貸○不○拘○民○戶○之○等○第○  
均○全○免○息○庶○幾○聖○澤○無○間○感○人○心○於○至○和○天○下○幸○甚○如○允○臣○所○奏○其○  
河○北○京○西○淮○南○等○路○昨○求○水○災○州○縣○乞○先○次○指○揮○施○行○

茅坤曰愷切

鄭俠論新法進流民圖

臣伏觀去年大蝗。秋冬亢旱。以至於今。經春不雨。麥苗焦枯。黍粟糜  
豆粒不及種。旬日來。街市米價暴貴。羣情憂惶。十九懼死。方春斬伐。  
竭澤而漁。大營官錢。小求升米。草木魚鱉。亦莫生遂。蠻夷輕肆。敢侮  
中國。皆由中外之臣輔相。陛下不以道。以至於此。臣切惟災患有可  
召之道。無可試之形。其致之有漸而來。如疾風暴雨。不可復禦。流血  
籍尸。方知喪敗。此愚夫庸人之見。而古今比。比有之所貴於聖神者。  
為其能圖患未狀。而轉禍為福者也。方今之勢。猶有可救。臣願陛下  
開倉廩賑貧乏。諸有司。歛掠不道之政。一切罷去。庶幾早召和氣。上

孫鑛曰。此  
禍起東漢

應天心調陰陽降雨露以延天下萬姓垂死之命而固宗社萬萬年  
無疆之社君臣際遇貴乎知心以臣之愚深知陛下養愛黎庶甚於  
赤子故自即位以來一有利民便物之政靡不毅然主張而行陛下  
之心亦欲其人人壽富而躋之堯舜三代之盛耳夫豈區區充滿府  
庫盈溢倉廩終以富衍疆大勝天下哉而中外之臣畧不推明陛下  
此心而乃肆其叨憤剗剗生民侵肌及骨使之困苦而不聊生坐視  
天民之死而不恤夫陛下所存如彼羣臣所為如此不知君臣際遇  
欲作何事徒只日超百資意指氣使而已乎臣又惟何世而無忠義  
何代而無賢德亦在乎人君所以駕御之如何耳古之人在山林畎

畝○不○忘○其○君○其○芻○蕘○負○販○匹○夫○匹○婦○咸○欲○自○盡○以○贊○其○上○陛○下○之○朝○  
臺○諫○默○默○具○位○而○不○敢○言○事○至○有○規○避○百○為○不○敢○居○是○職○者○而○左○右○  
輔○弼○之○臣○又○皆○貪○猥○近○利○使○夫○抱○道○懷○識○之○士○皆○不○欲○與○之○言○不○知○  
時○狀○耶○陛○下○以○使○之○狀○耶○以○為○時○狀○則○堯○舜○在○位○便○有○變○契○湯○文○在○  
上○便○有○伊○呂○以○至○漢○唐○之○明○君○我○祖○宗○之○聖○朝○皆○有○大○忠○義○大○賢○德○  
之○臣○而○在○中○外○君○臣○之○際○共○腹○心○手○足○狀○君○唱○於○上○臣○和○於○下○主○發○  
於○內○臣○應○於○外○而○佐○嘉○之○德○下○浸○於○昆○蟲○草○木○千○百○世○之○下○莫○不○欣○  
慕○而○效○則○之○獨○陛○下○以○仁○聖○當○御○撫○養○為○心○而○羣○臣○所○以○應○和○之○者○  
如○此○夫○非○時○狀○抑○陛○下○所○以○駕○馭○之○道○未○審○爾○陛○下○以○爵○祿○駕○馭○天○

茅坤曰妙  
論

茅坤曰直  
心憂國愛  
民議論自  
高一等

下○忠○賢○而○使○之○如○此○其○非○宗○廟○社○稷○之○福○也○夫○得○一○飯○於○道○徇○則○違○  
違○圖○報○而○終○身○饕○餮○於○其○父○則○不○知○德○此○庸○人○之○常○情○也○今○之○食○祿○  
往○往○如○此○若○臣○所○聞○則○不○朕○君○臣○之○義○父○子○之○道○也○故○食○其○祿○則○憂○  
其○事○凡○以○移○事○父○之○存○而○從○事○於○此○也○若○乃○思○慮○不○出○其○位○尸○祝○不○  
越○樽○俎○治○庖○人○之○事○斗○牛○苗○壯○會○計○當○各○以○其○職○而○不○相○侵○也○至○於○  
邦○國○若○否○知○無○不○言○豈○有○君○憂○國○危○羣○臣○乃○飽○食○饕○餮○觀○若○視○路○人○之○  
事○而○不○救○曰○吾○各○有○守○天○下○之○事○非○我○憂○哉○故○知○朝○廷○設○官○位○有○高○  
下○臣○子○事○上○忠○無○兩○心○與○其○得○罪○於○有○司○孰○與○不○忠○於○君○父○與○其○苟○  
容○於○當○世○孰○與○得○罪○於○皇○天○臣○所○以○不○避○萬○死○冒○千○萬○重○之○天○閼○以○

鍾惺曰尺  
心人事看  
得毫髮不  
義非忠義  
峻烈而漫  
言也

告○訢○於○陛○下○者○凡○以○上○畏○天○命○中○憂○君○國○而○下○憂○生○民○耳○若○臣○之○身○  
使○其○粉○碎○如○一○螻○蟻○無○足○顧○愛○臣○切○聞○南○征○西○伐○者○皆○以○其○勝○捷○之○  
勢○山○川○之○形○為○圖○而○來○獻○料○無○一○人○以○天○下○之○民○質○妻○賣○兒○派○離○逃○  
散○斬○棄○伐○棗○拆○壞○廬○舍○而○賣○於○城○市○輸○官○輸○粟○遑○遑○不○給○之○狀○為○圖○  
而○獻○前○者○臣○不○敢○以○所○聞○謹○以○安○上○門○逐○日○所○見○繪○成○一○圖○百○不○及○  
一○但○經○聖○明○眼○目○已○可○嘆○咨○涕○泣○而○況○數○千○里○之○外○有○甚○於○此○者○哉○  
其○圖○謹○附○狀○投○進○如○陛○下○觀○圖○行○臣○之○言○十○日○不○雨○即○乞○斬○臣○宣○德○  
門○外○以○正○欺○君○慢○天○之○罪○如○稍○有○所○濟○亦○乞○正○臣○越○分○言○事○之○刑○甘○  
俟○誅○戮○

鍾惺曰。疏奏神宗反復觀圖。長吁數四。是夕寤不能寐。翌日即罷  
青苗等法十八事。民間歡呼相賀。是日果大雨。即出鄭俠所進  
圖責輔臣。此時天心人事俱感動主心矣。及呂惠卿輩相與環  
泣。乃又復新法而罪俠。則是天心人事不足奪妄后惠卿之情  
面矣。自古奸臣何能誤國。皆人主溺愛奸臣自誤之也。



